



Slysatrygging

Skilmáli nr. SS10

Tryggjandi er VÍS tryggingar hf., kt. 670112-0470, hér eftir nefnt „VÍS“.

Um trygginguna gildir:

- Skírteinið ásamt áritunum og sérskilmálum.
- Skilmáli þessi nr. SS10.
- Almennur skilmáli VÍS nr. YY10.
- Lög um váttryggingarsamninga nr. 30/2004.

Skírteini og endurnýjunarkvittun ganga framar skilmálum. Skírteini, endurnýjunarkvittun og skilmálar ganga framar frávikjanlegum lagaákvæðum.

Slysatrygging hentar þeim sem vilja meðal annars tryggja sig fyrir tekjutapi vegna slyss.

Skilmáli segir til um hvaða réttindi og skyldur þú og VÍS hafið.
Skírteini staðfestir að þú hafir keypt tryggingu hjá VÍS. Skírteinið er aðgengilegt með því að skrá sig inn á vis.is.

1. Hver er tryggður?

- 1.1 Tryggður er sá sem tilgreindur er í skírteini eða endurnýjunarkvittun.

2. Hvar gildir tryggingin?

- 2.1 Tryggingin gildir hvar sem er í heiminum.

3. Aldurstakmark

- 3.1 Tryggingin fellur úr gildi við næstu endurnýjun eftir að tryggður verður 77 ára.
3.2 Börn yngri en 16 ára eru ekki tryggð gegn tímabundnum missi starfsorku og ekki fyrir hærri dánarbótum en sem nemur hefðbundnum útfararkostnaði á hverjum tíma.

4. Hugtakanotkun

- 4.1 Með hugtakinu slys er átt við skyndilegan utanaðkomandi atburð sem veldur meiðslum á líkama þess sem er tryggður og gerist án vilja hans. Við meiðsl á útlimum er þess þó eingöngu krafist að um skyndilegan atburð sé að ræða sem veldur meiðslum á líkama tryggðs og gerist án vilja hans.
4.2 Biðtími er það tímabil sem samkvæmt skírteini eða endurnýjunarkvittun á að líða frá upphafi óvinnufærni þar til dagpeningagreiðslur hefjast. Fyrir þetta tímabil eru ekki greiddir dagpeningar.

5. Hvað bætir tryggingin?

- 5.1 VÍS greiðir bætur vegna þeirra bótaþátta sem innifaldir eru í tryggingu og tilgreindir eru í skírteini eða endurnýjunarkvittun:

Bótaþáttur	VÍS greiðir bætur vegna slyss sem tryggður verður fyrir á gildistíma tryggingarinnar:
5.1.1 Dánarbætur	Ef slysið leiðir til andláts tryggða greiðir VÍS dánarbætur.
5.1.2 Miskabætur	Ef slysið leiðir til varanlegs miska innan þriggja ára frá slysdegi greiðir VÍS miskabætur.
5.1.3 Bætur vegna tannbrots	Ef slysið leiðir til þess að heilbrigðar og vel viðgerðar tennur brotna eða laskast greiðir VÍS viðgerðir. Þetta á eingöngu við ef miskabætur eru tilgreindar sem bótaþáttur á skírteini eða endurnýjunarkvittun.
5.1.4 Dagpeningar	Ef slysið leiðir til tímabundins missis starfsorku greiðir VÍS dagpeninga.

6. Hvað bætir tryggingin ekki?

- 6.1 VÍS greiðir ekki bætur vegna slysa sem orðið hafa áður en trygging tók gildi og ekki vegna afleiðinga slíkra slysa þó að þær komi ekki fram fyrir en eftir gildistöku tryggingar,



- þar með talinn varanlegur miski.
- 6.2 VÍS greiðir ekki bætur vegna slysa sem verða:
- Í keppni eða við æfingar til undirbúnings fyrir keppni í hvers konar íþróttum. Með íþróttum er hér átt við einstaklings- eða liðsíþróttir sem æfðar eru reglulega undir leiðsögn þjálfara á vegum félaga eða samtaka sem hafa íþróttakeppni að tilgangi. Þessi takmörkun á þó ekki við um almenningsþátttöku í keppni eða æfingum í golfi, götu- eða fjallahjólreiðum (þó ekki fjallahjólábrun eða enduro), gönguskíðum, þríþraut, víðavangs- og götuhlaupi.
 - Í bardaga-, glímu-, eða sjálfsvarnariþróttum þar sem tilgangur íþróttanna er að slá, kýla eða sparka til andstæðingsins eða takast á við hann á annan hátt.
 - Í akstursíþróttum.
 - Í bjargsigi, kletta-, fjalla- og ísklifri.
 - Í fjallgöngu af hvaða tegund sem er í yfir 4.000 metra hæð frá sjávarmáli.
 - Í köfun með súrefniskút og fríköfun (án súrefnis) á meira dýpi en 10 metrar.
 - Í loftbelgs-, svífvangja-, dreka-, svíf-, fisvélaflugi og öðrum sambærilegum athöfnum.
 - Í teygjustökki, fallhlífastökki og BASE stökki og öðrum sambærilegum athöfnum.
 - Í flugi, nema tryggður sé farþegi í áætlunar- eða leiguflugi á vegum aðila sem hefur tilskilin leyfi hlutaðeigandi flugmálayfirvalda.
 - Í handalögmálum eða við þátttöku í refsiverðum verknaði.
 - Af völdum ljósabaða, lækningameðferðar, skurðaðgerðar eða lyfjanotkunar, nema meðferðin sé að læknisráði vegna bótaskylds slyss og gerð á viðurkenndri heilbrigðisstofnun.
 - Af völdum neyslu áfengis, ávana- og fíkniefna eða annarra örvandi eða deyfandi efna nema sannað sé að ekkert samband hafi verið milli ástands þessa og slyssins.
 - Af völdum eitraðra lofttegunda, nema eitrunin hafi orðið skyndilega og án vilja tryggðs.
 - Beint eða óbeint af völdum hryðjuverka vegna hvers konar líffræðilegra eða efnafræðilegra áhrifa og/eða eitrunar, þ.m.t. vegna sýkla og veira, eða þegar afleiðingar slyss verða meiri vegna framangreindra atriða.

Hægt er að óska eftir að tryggja sérstaklega áhættu samkvæmt a-f lið gr. 6.2.

- 6.3 VÍS greiðir ekki tannbrot sem verða við vinnuslyss, sbr. lög um almannatryggingar.
- 6.4 VÍS greiðir ekki tannbrot sem verður þegar tryggður matast.
- 6.5 Tryggingin bætir ekki tjón eða aukningu á tjóni sem beint eða óbeint hlýst af eða er af völdum jarðskjálfta, eldgoss, skriðufalls, snjóflóðs eða annarra náttúruhamfara.

7. Áhættubreyting

- 7.1 Breyti tryggður um starfsvettvang skal hann tilkynna VÍS um það án ástæðulauss dráttar. Vanræksla á því getur leitt til þess að ábyrgð VÍS vegna hvers tjónsatburðar verði hlutfallslega lækkuð.¹

8. Verð

- 8.1 Verð tryggingar er reiknað út frá starfi tryggðs.
- 8.2 Verð breytist við endurnýjun tryggingarinnar í samræmi við breytingar á vísitölu neysluverðs.

9. Tryggingarfjárhæð

- 9.1 Hámark tryggingarfjárhæða vegna dánarbóta, miskabóta og dagpeninga kemur fram í skírteini eða endurnýjunarkvittun. Dánarbætur skulu ekki vera hærri en miskabætur.
- 9.2 Tryggingarfjárhæðir breytast í samræmi við vísitölu neysluverðs við endurnýjun tryggingar.
- 9.3 Sé tryggður 70 ára eða eldri verða tryggingarfjárhæðir eftirtaldir hundradshlutar af hámarkstryggingarfjárhæðum:

Aldur	Hlutfall
70 ára	80%
71 árs	60%
72 ára	40%
73 ára og eldri	20%

- 9.4 Bætur reiknast á grundvelli tryggingarfjárhæða á slysdagi eins og hér segir:
- Dánarbætur breytast í réttu hlutfalli við breytingu vísitölu neysluverðs frá slysdagi til dánardags.

¹ Sbr. 88. gr. laga um váttryggingarsamninga nr. 30/2004.



- b) Miskabætur breytast í réttu hlutfalli við breytingu vísitölu neysluverðs frá slysdegi til uppgjörsdags. Vísitölubinding miska varir þó aldrei lengur en í þrjú ár frá slysdegi.
- c) Dagpeningar breytast í réttu hlutfalli við breytingu vísitölu neysluverðs frá slysdegi meðan starfsorkumissir varir.

10. Ákvörðun bóta

10.1 Dánarbætur:

- 10.1.1 Látist tryggður vegna afleiðinga slyss innan eins árs frá slysdegi greiðast dánarbætur að frádregnum bótum sem VÍS kann að hafa greitt tryggðum fyrir varanlegan miska vegna sama slyss.
- 10.1.2 Ef tryggður deyr af völdum slyss, þegar meira en ár er liðið frá slysdegi, en áður en endanlegt miskamat hefur farið fram, greiðast miskabætur samkvæmt bráðabirgðamiskamati.
- 10.1.3 Dánarbætur greiðast eingöngu ef slysið er bein og eina orsök andláts tryggðs. Ef sjúkdómur, veiklun eða sjúklegt ástand tryggðs eru meðorsakir dauða hans, greiðast engar dánarbætur. Þetta gildir hvort sem ástand þetta var til staðar þegar slysið varð eða skapaðist síðar, án þess þó að vera beinlínis og einungis afleiðing af slysi sem tryggingin nær til.
- 10.1.4 VÍS á rétt á því að hinn látni verði krufinn til þess að leidd verði í ljós dánarorsök og annað sem máli gæti skipt um bótaábyrgð VÍS.
- 10.1.5 Dánarbætur greiðast maka tryggðs. Sé maki ekki til staðar greiðast þær til erfingja samkvæmt lögum eða erfðaskrá. Ef dánarbætur eiga að greiðast öðrum þarf tryggður að tilnefna hann sérstaklega með skriflegum hætti. Í slíkum tilvikum er réttahafinn skráður í skírteini eða endurnýjunarkvittun.

Við bendum á að sambúðaraðili telst ekki til **maka** í þessu samhengi. Ef þú vilt tilnefna réttaha þá getur þú fyllt út eyðublað á vis.is.

10.2 Bætur vegna varanlegs miska (miskabætur):

- 10.2.1 Varanlegan miska skal meta í hundraðshlutum samkvæmt töflum örorkunefndar um miskastig, sem eru í gildi þegar mat fer fram. Við ákvörðun miskastigs ber ekki að taka tillit til starfs, sérstakra hæfileika né þjóðfélagsstöðu. Slyss sem eingöngu valda lýti skal ekki meta til varanlegs miska. Ef líkur eru til að ástand tryggðs megi bæta með skurðaðgerðum eða öðrum slíkum aðgerðum ber að taka tillit til hugsanlegs bata sem slíkar aðgerðir kynnu að hafa í för með sér. Sé áverka hins tryggða ekki getið í töflum örorkunefndar um miskastig skal meta hann sérstaklega með hliðsjón af töflunum. Varanlegur miski getur aldrei talist meiri en 100%. Miskabætur greiðast í hlutfalli við tryggingarfjárhæðina.
- 10.2.2 Ef missir eða bækklun útlíma, líffæra, sjónar eða heyrnar er ekki alger bætist varanlegur miski hlutfallslega. Missir eða bækklun á útlím eða líffæri sem áður var bæklað skal metið til varanlegs miska með hliðsjón af bækkluninni fyrir slysið.
- 10.2.3 Bendi fyrirleggjandi læknisfræðileg gögn til varanlegra afleiðinga vegna slyssins, mun starfsfólk VÍS leggja mat á umfang þeirra með hliðsjón af miskatöflu örorkunefndar. Telji starfsfólk VÍS tilefni til, getur VÍS aflað mats utanaðkomandi sérfræðings á afleiðingum slyssins.
- 10.2.4 Tryggður skal óska eftir mati VÍS í samræmi við grein 10.2.3 eigi síðar en þremur árum frá slysdegi, að öðrum kosti fellur réttur hans til bóta skv. tryggingunni niður.

Miskabætur eru fébætur fyrir tjón sem er ekki fjárhagslegt. Greiddar eru sömu miskabætur til aðila óháð aldri, stöðu á vinnumarkaði og félagslegri stöðu.

10.3 Bætur fyrir tímabundinn missi starfsorku (dagpeningar):

- 10.3.1 VÍS tekur ákvörðun um greiðslu dagpeninga á grundvelli læknisvottorða og annarra gagna sem fyrir liggja.
- 10.3.2 Dagpeningar greiðast í hlutfalli við starfsorkumissi frá lokum biðtíma og svo lengi sem tryggður er óvinnufær að mati lækni eða miskamat hefur farið fram.
- 10.3.3 Dagpeningar greiðast ekki lengur en í þann hámarksbótatíma er kemur fram í skírteini eða endurnýjunarkvittun og ekki eftir að þrjú ár eru liðin frá slysdegi.
- 10.3.4 Stafi starfsorkumissir tryggða að einhverju leyti af öðrum orsökum en slysinu lækka dagpeningar í beinu hlutfalli við það hvern þátt þessar orsakir eiga í missi starfsorkunnar.
- 10.3.5 Dagpeningar greiðast í lok hvers mánaðar.

10.4 Bætur vegna tannbrots:

- 10.4.1 Greiðsla VÍS takmarkast við 5% af tryggingarfjárhæð miskabóta vegna hvers slyss og samanlagðar greiðslur vegna slysa á hverju tryggingartímabili við 7,5% af sömu fjárhæð.

10.5 VÍS er heimilt að láta lækni, að vali VÍS, skoða tryggða.

10.6 VÍS greiðir kostnað vegna nauðsynlegra læknisvottorða í tengslum við tjónsatburð þegar þeirra er aflað að beiðni VÍS.

Það sem fram kemur á hægri spássíu er eingöngu til leiðbeiningar fyrir viðskiptavini en er ekki hluti af texta skilmálans og ekki ætlað til túlkunar einstakra greina hans.